

公開組

冠軍

亞軍

季軍

劉奕航

好事近 吊鐘花

曉霧浥芳容。數串羞紅半匿。輕扣垂鈴相問。奈空山岑寂。知君何事不堪言。怕洩春消息。倏忽一聲清響。是枝頭點滴。

評語：清空雅逸，虛實相融，餘音裊裊。

杜文彬

好事近 都會大學觀「張愛玲與宋淇、宋卿文美的跨地半生緣」展

遺墨記相知。遙憶當年文侶。迢遞南溟萬里。到鴻庠歸處。幾番片羽識傾城。海上花如許。休道半生緣盡。又香江重聚。

評語：低徊婉轉，惆悵切情，溫其如玉。

施純志

好事近 過柳永故里

幽谷隱孤村。碧樹晚蟬淒咽。杳杳騷魂何處。但廢園蕪沒。萬家井水唱新詞。天教管風月。拚得朱顏憔悴。向吟箋啼血。

評語：無一句無來處，惻然別有懷抱。

優異獎

白雲階

好事近 假髮

風過頂生寒。日照枯顱灼熱。乍見鏡光浮動。妒滿頭霜雪。青絲重綰勝春雲。休道壯懷絕。猶得舊時模樣。看蒼山秀澈。

評語：善形容，俳諧中見酸苦。

胡偉光

好事近 山居

翠嶂抱雲深。林隙忽開天廓。誰擲一灣寒玉。響空岩紛若。拾樵歸徑夕煙橫。風定袖花落。漫理竹爐星火。蕘松聲千壑。

評語：高逸脫俗，闊遠閑適。

優異獎

曾向新

好事近 暮題

暮色映書櫺。檢點殘牋舊稿。淡了塵心俗念。唯詩心未了。欲將寒硯試枯毫。才思剩多少。且自開窗展卷。看餘霞落照。

評語：沉鬱中見豁達，能寬晚景。

曾治平

好事近 客夜寄內

獨對舊妝奩。鏡裡鬢雲猶隔。記得畫眉簾底。有青山痕跡。欲裁錦字寫離愁。燈花暗垂碧。一夜西窗風雨。是鮫人淚滴。

評語：纏綿纏綿，情絲不盡。

鄧德邦

好事近 詠婚紗

縹緲現羅裳。多謝天孫巧設。皎皎春冰薄剪。綴流雲千疊。新妝初試靨霞生。寶鏡明肌雪。未曉畫眉深淺。與檀郎低說。

評語：詠物而不滯，切題而多變。

特別獎

李裕韜

好事近 舊唱片

跌宕顫懸針。玄磔迴旋無止。絲竹留聲嫋嫋。漾浮生百味。漸憐走板顧周郎。嘲哳宮商異。漫撫遺痕斑駁。盡銷磨印記。

評語：筆觸靈動，感慨彌深。

葉宇駒

好事近 沈園懷古有鳳蝶雙飛

冷雨送黃昏。園內落紅飄雪。蔥鬱宮牆垂柳。有杜鵑啼咽。釵頭鳳壁映斜陽。喜見雙飛蝶。一盞黃滕美酒。靜靜池新月。

評語：雙飛傳恨，千古傷心。

*優異獎及特別獎排名按姓名筆畫序

全港詩詞創作比賽填詞第三十六屆

得獎作品

第三十六屆

全港詩詞創作比賽填詞

香港公共圖書館自一九九一年起舉辦「全港詩詞創作比賽」，單年比詩，雙年比詞，旨在提高市民的中文運用和韻文欣賞能力。今年舉辦的「第三十六屆全港詩詞創作比賽」是第十八度「比試填詞」，評審委員包括何文匯教授、張為群博士、陳茵珊博士、陳煒舜教授、黃坤堯教授和劉衛林教授。

今屆比賽的詞牌為《好事近》，題材由參賽者自定，反應非常踴躍，收到過千份參賽作品。學生組參賽者來自各大專院校和中學，公開組參賽者則來自社會不同階層。一如往年，今屆參賽作品水準甚高，評審委員經初選、複選和反覆討論後才能決定名次。為確保評選公正，整個評審過程均以糊名方式進行。評判團亦約見學生組入選參賽者，請學生即席對聯，最終選出優勝作品。

學生組

冠軍

石錦麟 香港大學

好事近 題揚州春月

塵世卷東風。一霎恍然今昔。獨上雲端脈脈。照城南水北。瘦湖橋老玉人歸。何事堪追憶。卻抱幽光無語。對詩人此夕。

評語：雅麗沉鬱，佈局謹嚴，無限惆悵。

亞軍

陳韋杰 中華基督教會銘賢書院

好事近 荃灣見荒廢工廠林立有感

工廠掩斜陽。樓外昏黃天幕。深樹杜鵑不斷。恨東君冷落。車流飛過換人間。往事正蕭索。一陣寒風吹下。剩晚燈微弱。

評語：剛健瀏亮，氣度恢弘，別樹一幟。

季軍

李卓謙 保良局第一張永慶中學

好事近 月夜

白露透羅衣。深院遙看夜月。偏似眉彎長斂。問幾回圓缺。征鴻過盡且垂簾。人遠天河闊。花卜歸期未定。待鬢絲添雪。

評語：雅潤清麗，婉約低徊，絲絲入扣。

優異獎

郭宏昭 香港中文大學

好事近 擬王靜安體

迷霧鎖飛樓。人在四垂簾幕。天外日星高曜。了不通哀樂。夜中不寐撥鳴琴。清風那堪託。冷暖自知浮世。慣幾多輕薄。

評語：幽怨蘊藉，餘味盎然。

張凌暢 香港都會大學

好事近 莫枕樓毀廢不存。聞滁州市庚子年重建是樓，即往觀之。喜其復存於世，可吊稼軒公舊事；悲其故址無痕，而新樓終乏古意。然轉念思之，樓建終毀，毀而復建，黃鶴、岳陽皆難逃此理。樓之建雖為政績，然其本在百姓和樂，遂有感而作。

殘柱委荒榛。舊跡更尋何許。重見畫檐朱牖。記稼軒曾賦。昔時烽火沒亭臺。今又連霄宇。孰辨故樓新址。但人間安固。

評語：傷古憐今，溫柔敦厚。

優異獎

陳翊心 香港珠海學院

好事近 丙午迎江寺家聚

香引碧階前。雲外疏鐘初歇。一徑苔痕深淺。漸寒山春發。爐煙裊處合家圓。怕話何時別。幾片風鈴檐角。共江聲明滅。

評語：相留畏曉，同氣情深。

盧彥同 香港珠海學院

好事近 丙午新春寄意

梅蕊破輕寒。萬象新開春頁。忽見千屏浮焰。化賀詞成蝶。雲台玉宇接青霄。歡聲滿瑤闕。且看駿蹄追夢。踏星河高轍。

評語：清新俊逸，歡愉辭工。

優異獎

薛永明 香港能仁專上學院

好事近

孤影寄香江。前路渺茫何去。塵事苦辛誰訴。歎歲華虛度。藝舟雙楫始通津。明德開新序。作品遠傳榮譽。喜清聲長駐。

評語：怨而不怒，柳暗花明。

特別獎

蕭曜徽 香港大學

好事近 觀龍劍笙李後主有感

簾外語纏綿。魚貫嬪娥出列。誰唱落花流水。繫千年嗚咽。琴心劍膽代相傳。笙歌未消歇。自是伶工境界。透詞家風骨。

評語：既傷往昔，亦勵時人。